

諸子集成

諸子集成

(第八冊)

論
鑒
子
語
訓
夫
朴
新
家
潛
申
抱
世
顏
說
氏

中華書局

潛 夫 論

王 符 著

序

王符潛夫論。行於今者。有明程榮本。何鏗本。何本出於程。不爲異同。別有舊本。與白虎通德論風俗通義合刻。風俗通義卷首題云。大德新刊。三書出於同時。蓋元刻也。元刻文字。視程本爲勝。邊議巫列相列夢列釋難諸篇。簡編脫亂。不如程本。其務本。遏利。慎微。交際。明忠。本訓。德化。志氏。姓諸篇。各本脫亂並同。以意屬讀。得其端緒。因復是正文。疏證事辭。依探經書。爲之箋註。謹案王氏精習經術。而達於當世之務。其言用人行政諸大端。皆按切時勢。令今可行。不爲卓絕詭激之論。其學折中孔子。而復涉獵於申商刑名。韓子雜說。未爲醇儒。然符以邊隔一縫掖。閱俗陵替。發憤增歎。未能涉大廷。與論議以感動人主。又不得典司治民以效其能。獨蓄大道。託之空言。斯賈生所爲太息。次公以之略觀者已。是本以元刻爲据。其以別本及他書所引改補者。曰舊作某。据某本某書改。舊脫某。据某本某書補。其以己意改補者。止曰舊脫某。舊作某。采獲衆說。各稱名以別之。嘉慶十有九年歲在甲戌三月汪繼培序。

潛夫論目錄

讀學第一	一	愛日第十八	八八
務本第二	六	斷訟第十九	九三
遏利第三	一〇	衰制第二十	九九
論榮第四	一三	勸將第二十一	一〇二
賢難第五	一六	救邊第二十二	一〇七
明闇第六	二二	邊議第二十三	一一三
考績第七	二五	實邊第二十四	一二七
思賢第八	三一	卜列第二十五	一二二
本政第九	三六	巫列第二十六	一二七
曆數第十	四〇	相列第二十七	一二九
忠貴第十一	四四	夢列第二十八	一三二
浮侈第十二	五〇	釋難第二十九	一三六
慎微第十三	五九	交際第三十	一三九
寶貢第十四	六三	明忠第三十一	一四九
班祿第十五	六七	本訓第三十二	一五四
述赦第十六	七二	德化第三十三	一五五
三式第十七	八二	五德志第三十四	一六〇
		志氏姓第三十五	一六九
		敘錄第三十六	一九三

潛夫論

蕭山汪繼培箋

讀學第一

天地之所貴者人也。孝經子曰天地之性人為貴春秋繁露人副天數篇云天地之精所以生物者

義人有氣有生有知亦且其貴於人荀子王制篇云水火有氣而無生草木有生而無知禽獸有知而無義故最為天下貴也聖人之所尚者義也。論語子曰君子義以為上尚與上通德義之所成者智也。明

智之所求者學問也。漢書董仲舒傳云彊勉學問則雖有至聖不生而知。論語子曰我非生而知之者好

古敏以求雖有至材不生而能。說苑建本篇子思曰學所以益才也故志曰黃帝師風后。史記五帝紀云黃帝舉風后

項師老彭帝嚳師祝融。鄭語史伯云黎為高辛氏火正以淳耀敦大天明地德光舜師紀后禹師墨如。盧學士文昭云墨如疑是

通辟雍篇云帝堯師務成子按荀子大略篇云堯學於君嚳舜學於務成昭新序雜事五又作務成陶舜師紀后禹師墨如。墨台繼培按路史後紀四

云禹有一天封怡以紹烈山是為默台國名紀湯師伊尹。呂氏春秋尊師篇云湯師小臣高誘文武師

姜尚。呂氏春秋云文王武王師呂望白虎通云文王師呂望武王師尚父史記齊世家云太公望呂尚者本姓姜氏從其封姓故曰呂尚周公師庶秀孔子師老

聃。白虎通云孔子師老聃若此言之而信則人不可以不就師矣。昭十九年穀梁傳云羈貫成童不就師傳父之罪也夫此

十一君者皆上聖也。猶待學問其智乃博其德乃碩。博碩讀淮南子秦族訓云人莫不知學之有益於己也然而不

能者嬉戲害人也人皆多以無用害有用故智不博而況於凡人乎而況於凡人乎。呂氏春秋云此十聖人六賢者未有不

不至於聖而欲無尊師矣由至哉新序云此十一聖人未遭此師則功業不著乎天下名號不傳乎千世此言十一君名與新序同是故工欲善其事必先利其

器。論語士欲宣其義必先讀其書。舊作智据魏徵羣書治要改孟子云易曰君子以多志

前言往往行以畜其德。

大畜象詞志王弼本作識釋文云劉作志按周禮保章氏鄭康成注云志古文識

是以人之有學也。猶物

之有治也。

韓詩外傳二云玉不琢不成器人不學不成行家有千金之玉不知治猶之貧也良工宰之則富及子孫君子學之則爲國用

故夏后之璜。

定四年左傳云分魯公以

夏后氏之璜淮南子精神訓云有夏后氏之璜者匣匱而藏之寶之至也

楚和之璧。

韓非子和氏篇云楚人和氏得玉璞文王使玉人理其璞而得寶焉遂命曰和氏之璧

雖有玉

璞下和之資。

史記鄭陽傳云下和獻寶

不琢不錯。

說文云厝厲石也經典多假借用錯

不離礫石。

楚辭惜誓云相與貴夫礫石王逸注小石爲礫

瑚簋之器。

哀十一年左傳云瑚簋之事杜注瑚簋禮器名夏日明周曰簋按禮記明堂位云殷之六瑚周之八簋

朝祭之服其始也。乃山野之

木。蠶繭之絲耳。

禮記月令云蠶事既登分繭稱絲效功以共郊廟之服說文云繭蠶衣也絲繭所吐也

使巧倕。

山海經海內經云倕均是始爲巧倕是始作下民百巧書堯典

垂作

加繩墨而制之以斤斧。女工加五色而制之以機杼。則皆成宗廟之器。

黼黻之章。

鹽鐵論珠路篇云孔子曰黼不黼黻我故人事加則爲宗廟器淮南子說林訓云黼黻之矣在于杼軸羣書治要載尸子勸學篇云夫黼舍而不治則腐蠹而棄使女工繅之以爲美錦

大君服

而朝之。可羞於鬼神。可御於王公。

益舊作著据治要改隱三年左傳云可羞于王公可薦于鬼神

而况君子敦貞之質。

察敏之才。

大戴禮五帝德云長而敦敏

攝之以良朋。

詩既醉云朋友攸攝常棣云每有良朋

教之以明師。

漢書董仲舒傳云與大學置明師以

養天下

文之以禮樂。

論語

導之以詩書。讀之以周易。明之以春秋。

治要讀上有幽字王先生宗炎云明下有

脫字當與幽讀對

其不有濟乎。

有字舊脫据治要補程本作不有晉語胥臣曰賈將善而賈良費之則濟可埃

詩云。題彼鵲鵲。載飛載鳴。

我日斯邁。而月斯征。夙興夜寐。無忝爾所生。

小宛鵲鵲今作青令

是以君子終日乾乾。

進德修業者。

易乾文言

非直爲博己而已也。

淮南子精神訓高誘注直猶但也博己卽論語言博我

蓋乃思述祖考

之令聞。而以顯父母也。

孝經云立身行道揚名于後世以顯父母引大雅云無念爾祖率修厥德按毛傳云率述

孔子曰。吾嘗終日不

食。終夜不寢。以思無益。不如學也。耕也鋤在其中。學也祿在其中矣。君子

憂道不憂貧。

論語

箕子陳六極。

書洪範

國風歌北門。

詩衛風

故所謂不憂貧也。豈好貧

而弗之憂邪。蓋志有所專。昭其重也。是故君子之求豐厚也。

傳廿四年左傳云豐厚可也

非

爲嘉饌美服淫樂聲色也。

莊子至樂篇云所樂者身安厚味美服好色音聲也

乃將以底其道。

孫侍御志祖云底與致同論語云君子學

以致其道而邁其德也。

莊八年左傳夏書

夫道成於學而藏於書。學進於振而廢於窮。

王侍郎紹蘭云振當作賑說文云賑富也。

是故董仲舒終身不問家事。

見漢書凡史記兩漢書有列傳者云見某書

景君明經年不出戶庭。

漢書京房字君明賢難篇考績篇並稱京房景京古通用急就篇有景君明

得銳精其學。

方言後劉子駿與揚雄書云經

年銳精以

而顯昭其業者。家富也。富佚若彼而能勤精若此者。

漢書董仲舒傳云蓋三年不窺園其精如

此呂氏春秋博志篇云蓋聞孔子墨翟晝日諷誦習業夜親

見文王周公且而問焉用志如此其精也。高誘注精微密也。

材子也。

文十八年左傳云有才子八人才與材通

於都巷。

甚當作養漢書云倪寬詣博士受業貧無資用常爲弟子都養顏師古注都凡衆也養主給烹炊者也一切經音義六引蔡邕勸學注云傭賣力也

倪寬賣力

徒者。

漢書云匡衡好學家貧庸作以供資用按樂布傳云窮困賣庸于齊爲酒家保孟康注保庸也可保信故謂之保

身貧也。貧阨若彼而能進學

若此者。秀士也。

禮記王制云命鄉論秀士升之司徒

當世學士。

漢書董仲舒傳云學士皆師尊之

恆以萬計。而究塗者

釋言云究窮也究塗言非半途而廢也

無數十焉。其故何也。其富者則以賄玷精。貧者則以乏易計。

或以喪亂暮其年歲。

甚疑稽之誤後漢書列女傳樂羊子妻曰稽廢時日

此其所以速初喪功。而及其童蒙

者也。

及疑反之誤荀子不苟篇云獨行而不舍則濟矣濟而材盡長遷而不反其初則化矣楊倞注既濟則材性自盡長遷不反其初謂中道不廢也王先生云逮疑逮

是故無董景

之才。倪匡之志。而欲強捐身出家曠日師門者。

鹽鐵論相刺篇云七十子之徒去父母捐室家負荷而隨孔子漢書酷吏傳鄧

都曰已背親而出身固當奉職韓信傳云曠日持久

必無幾矣。

幾讀爲冀韓非子姦劫弑臣篇云負千鈞後漢書桓榮傳顯宗報書云去家慕鄉求謝師門之重陷於不測之淵而求生也必不幾矣

夫此四子者耳目聰明忠信廉勇未必無傳也。

爾雅釋詁云仇匹也。儻爲仇之假借。

而及其成名

立績。

韓非子功名篇云明君之所以立功成名者四爾雅釋詁云績功也。

德音令問不已。

詩南山有臺云德音不已文王云令問不已釋文聞音問漢北海淳于長夏承碑作令問

不而有所以然。夫何故哉。

漢書賈誼傳云誼具道所以然之故。

徒以其能自託於先聖之典經。

王世子云凡始立學者必釋奠於先聖先師漢書藝文志云竊以聞道於先師自託於經術也後漢書胡廣傳云稽之典經

結心於夫子之遺訓也。

禮記祭義云結諸心周語云必問於

遺訓是故造父疾趨百步而廢。

自舊作而何本改作使並誤。

託乘輿。

孟子云今乘輿已驚矣。

坐致千里水師泛

軸。

周語云水師監羅韋昭注水師掌水軸當作軸謂船櫓也說文云漢律名船方長爲軸櫓王先生云軸車軸所以持輪者也

解維則溺。

方言云維之謂之鼎郭注繫船爲維。

自託

舟楫坐濟江河是故君子者性非絕世善自託於物也。

荀子勸學篇云假輿馬者非利足也而致千里假舟楫者

非能水也而絕江河君子生非異也善假於物也大戴禮勸學篇生作性韓非子姦劫弑臣篇云託於犀革良馬之上則可以陸犯阪阻之患乘舟之安持楫之利則可以永絕江河之難此託字所本

入之情

性未能相百而其明智有相萬也此非其真性之材也必有假以致之也。

韓詩外傳四云人同材鈞而貴賤相萬者盡心致志也說苑建本篇云質性同倫而學問者智

君子之性未必盡照。

史記李斯傳云陛下富於春秋未必盡遍諸事徐廣曰遍或宜

作及學也聰明無蔽心智無滯前紀帝王顧定百世。

荀子儒效篇云鄉也效門室之辨混然會不能決也俄而原仁義分

是非圖回天下於掌上而辨白黑豈不愚而知矣哉不苟

此則道之明也而君子能假之以

自彰爾夫是故道之於心也猶火之於人目也。

墨子經說下篇云智以目見而目以火見

中穿深室幽

黑無見及設盛燭則百物彰矣。

禮記仲尼燕居云譬如終夜有求於幽室之中非燭何見

此則火之燿也非目之

光也而目假之則爲己明矣。

舊說己字依下文例補

天地之道神明之爲。

地之撰以通神明之德

不可見也學問聖典心思道術。

荀子哀公篇孔子曰所謂士者雖不能盡道術必有率也禮記鄉飲酒義云古之學術道者將以得

身也鄭注

則皆來觀矣。此則道之材也。非心之明也。而人假之。則爲己知矣。

術猶藝也。

是故索物於夜室者。莫良於火。

管子君臣上篇云。猶夜有求而得火也。

索道於當世者。莫良於典。典

者。經也。

太平御覽六百八引釋名云。經徑也。常典也。

先聖之所制。先聖得道之精者。以行其身。欲賢人

自勉。以入於道。故聖人之制經。以遺後賢也。

漢書翼奉傳云。臣聞之於師曰。天地設位。懸日月布星辰。分陰陽。定四時。列五行。以視聖

人名之曰道。聖人見道。然後知王治之象。故畫州土。建君臣。立律歷。陳成敗。以視賢者。名之曰經。賢者見經。然後知人道之務。則詩書易春秋禮樂是也。

譬猶巧倕之爲規矩準繩。以遺後工也。

事物紀原七引尸子云。古者倕爲規矩準繩。使天下做焉。

昔倕之巧。目茂圓方。

茂當作成。禮記仲尼燕居云。目巧之室。鄭注目巧謂

但用巧目。善意作室。不由法度。韓非子有意度篇云。巧匠目意中繩。皆目成圓方之意。

心定平直。又造規矩準繩。以誨後人。試使奚仲公班之徒。

定元年左傳云。奚仲居薛。以爲夏車。正公班。卽禮記檀弓公輸般

釋此四度。而倣倕自制。必不能也。

淮南子修務訓云。無規矩。雖奚仲不能以定方。圓無準繩。雖魯般不能以定曲直。

凡工安匠口規乘矩。

空格程本作執蓋以意補之。他皆倣此。錯準引繩。說文云。錯準引繩。云措

置也。經典多假借用錯。則巧同於倕也。

韓非子用人篇云。去規矩而妄意度。奚仲不能成一輪。廢尺寸而差短長。王爾不能半中。拙匠守規矩尺寸。則萬不失矣。

是故倕以其心來制規矩。

舊脫故字其字依下文例補。

後工以規矩。

以上五字舊脫。盧學士補。

往合倕心也。故度之工。

度上脫一字。王先生云。疑脫信字。孟子云。工不信度。幾於倕矣。

王先生云。幾。上疑脫巧字。

先聖之智。心達神明。性直道德。又造

經典。

漢書孫寶傳云。著於經典。

以遺後人。試使賢人君子。釋於學問。抱質而行。

淮南子繆稱訓云。懷情抱質。必

弗具也。及使從師就學。按經而行。

後漢書班彪後固傳。東都賦云。案六經而校德。李固傳云。俯案經典。按與案獨依也。

聰達之明。

德義之理。亦庶矣。是故聖人以其心來造經典。

造程本作就。

後人以經典。

以上五字盧補。

往合聖心也。

舊脫也。字依上文例補。

故修經之賢。

漢書儒林傳序云。諸儒始得修其經學。

德近於聖矣。詩云。高山仰

止景行行止。

車聲

日就月將。學有緝熙於光明。

敬

是故凡欲顯勳績揚光烈

者。書立政云以觀文王之耿光以揚武王之大烈。漢書外戚傳班婕妤賦云揚光烈之翕赫兮。

莫良於學矣。

務本第二

凡爲治之大體。

治舊作人。据治要改北堂書鈔卅九引亦作治韓非子有大體篇。漢書鼂錯傳云明於國家之大體。

莫善於抑末而務本。莫

不善於離本而飾末。

呂氏春秋孝行覽云凡爲天下治國家必務本而後末。

夫爲國者以富民爲本。管子治國篇云

先富民民富則易治也。民貧則難治也。

以正學爲口。

禮記學記云古之王者建國君民教學爲先。史記儒林傳韓固曰公孫子務正學以言無曲學以阿世。空格程本作基。

民富

乃可教。

論語冉有曰既富矣又何加焉。子曰教之說。施建本篇河間獻王曰管子稱倉廩實知禮節衣食足知榮辱。夫穀者國家所以昌熾士女所以姣好禮義所以行而人心所以安也。尙書五福以富爲始。

子貢問爲政孔子曰富之既富乃教之也。此治國之本也。漢書食貨志云食足貨通然後國實民富而教化成。

學正乃得義。民貧則背善。鄧析子無厚篇云凡民有穿窬

爲盜者有詐僞相迷者此皆生於不足起於貧窮。

學淫則詐僞。

呂氏春秋知度篇云至治之世其民不奸淫學流說高誘注不學正道爲淫學。

入學則不亂。得

義則忠孝。故明君之法務此二者以爲成太平之基。致休徵之祥。

禮記仲尼燕居云天下

平書供範曰休徵漢書董仲舒傳云諸福之物可致之祥莫不畢至。楚元王傳劉向封事云百異消滅而衆祥並至。太平之基萬世之利也。藝文類聚五十二引此文。祥作隆。

夫富民者以農

桑爲本。以游業爲末。

管子五輔篇云明王之務在於強本。本去無用然後民可使富。治國篇云先王知衆民強兵廣地富國之必生於粟也。故禁末作止奇巧而利農事。故民篇云

百工者以致用

務五穀則食足。養桑麻育六畜則民富。漢書文帝紀二年詔曰農天下之大本也。民所恃以生也。而民或不務本而事末。故生不遂。昭帝紀元平元年詔曰天下以農桑爲本。

爲本。易繫辭上傳云備物致

之以令。數班賈者禮記月令云毋或作爲淫巧。鄭注淫巧謂僞飾不如法也。

商賈者以通貨爲本。周禮太宰九職任萬民。行債賈者鄭注玄謂飾行債賈謂使人行賣惡物於市巧飾

類聚貨作之奇作貨按漢書食貨志云通財鬻貨曰商。

二者守本離末則民富。離本守末則民貧。貧則阨而忘

善富則樂而可教。教訓者以道義爲本。以巧辯爲末。辭語者以信順爲本。

以詭麗爲末。漢書揚雄傳云諸子各以其知舛馳大氏詭警聖人卽爲怪迂折辯詭辭以撓世事雖小辯終破大道而或衆王褒傳云辭賦大者與古詩同義小者辯麗可喜列士

者。荀子大略篇云子貢季路故鄉人也彼文學服禮義爲天下列士風俗風論士云列士百不易之分見意林以孝悌爲本。論語云子貢問子日宗族稱孝焉鄉黨稱弟焉以

交遊爲末。禮記曲禮云交遊稱其信也孝悌者以致養爲本。禮記祭義會子日衆之本教日孝其行日養以華觀爲末。孟子云非

直爲觀美也。人臣者以忠正爲本。六韜盈虛篇云吏忠正奉法者尊其位淮南子主術訓云人主貴正而尙忠忠正在上位執正營事則讒佞姦邪無由進矣以媚

愛爲末。晉語云其臣競諂以求媚詩假樂云媚於天子鄭箋媚愛也五者守本離末則惡矣。夫用天之道分地之利。孝六畜

生於時。百物聚於野。此富國之本也。管子立政篇云桑麻殖於野五穀宜其地六畜育於家瓜瓞藟菜百果備具國之富也游業末

事以收民利。昭廿六年左傳云大夫不收公利後漢書朱暉傳云往來市珍寶收采其利此貧邦之原也。兩也字並忠信謹慎

此德義之基也。虛無譎詭。此亂道之根也。故力田所以富國也。漢書文帝紀十二年詔日力田爲生之本也今民去農桑。赴游業。披采衆利。聚之一門。雖於私家有富。然公計愈

貧矣。管子治國篇云民舍本事而事末作則田荒而國貧矣禁藏篇云民多私利者其國貧百工者。所使備器也。考工記云審曲面勢以節五材以辨民器謂之百工

器以便事爲善。鹽鐵論國病篇云器足以便事以膠固爲上。爾雅釋詁云膠固也今工好造彫琢之器。漢書王吉傳云古者

工不造瑣瑣商不通修靡彫琢義與瑣瑣同。惟巧僞飭之。以欺民取賄。漢書禮樂志云桑間濮上鄭衛宋趙之聲並出巧僞因而

飾之以營亂富貴之耳目。庶人以求利。列國以相聞。巧僞飭之治。要作僞飾之巧。其義亦通見上。以巧飾爲末。句注。雖於姦工有利。而國界愈病矣。商

賈者。所以通物也。以上二十字舊脫掘治要補界當依上下文作計計界聲相近漢書地理志琅邪郡計斤顏師古注卽春秋左傳所謂介根也語音有輕重此其比也白虎通商賈篇云

務本第二

七

商之爲言商也。商其遠近度其有亡通四方之物故謂之商。物以任用爲要。以堅牢爲資。禮記月令云命也。賈之爲言固也。固其有用之物。以待民來以求其利者也。工師效功必功致爲上。惟南子時則訓作堅致爲上。商尙書大傳云聖人在位其商不通無用之物誘往堅致功牢也。鹽鐵論力耕篇云工致牢而不僞。今商競鬻無用之貨。

淫侈之幣。淫下舊有極字即淫之駁文據治要刪以惑民取產。雖於淫商有得。然國計愈失矣。後漢書桓譚傳

往引東觀漢記載譚言云。賈人多通侈靡之物。羅綺絢繡雜綵玩好。以淫人耳目。而竭盡其財。是爲下樹奢謀而置資本也。求人之儉約富足。何可得乎。齊策云。爲國計者過矣。高誘注。過誤失也。此三者。

外雖有勤力富家之私名。漢書高帝紀云不能治產業不如仲力服虔曰力勤力也疏廣傳云令子孫勤力其中易家人六四富家大吉然內有損

民貧國之公實。治要作費故爲政者。明督工商。勿使淫僞。困辱游業。勿使擅利。史記

平律書云。高租令賈人不得衣絲乘車。重租稅以困辱之。寬假本農。而寵遂學士。晉語云通商寬假漢書翟方進傳云可少寬假使遂其功名此以寬假寵遂連言蓋即本於彼

則民富而國平矣。夫教訓者。所以途道術而崇德義也。今學問之士。好語

虛無之事。漢書揚雄傳贊桓譚曰昔老聃著虛無之言兩篇薄仁義非禮學然後世好之者尙以爲過於五經爭著彫麗之文。後漢書樊宏後傳云儒者競論浮麗

以求見異於世。品人解識。品人猶言衆人晏子春秋外篇云今品人飾禮煩事競樂淫民崇死以害生三者聖王之所禁也從而高之。此

傷道德之實。而或矇夫之大者也。論衡量知篇云人未學問曰矇或與或通程本作惑詩賦者。所以頌善醜

之德。周禮太師鄭注頌之爲言誦也容也洩哀樂之情也。故溫雅以廣文。漢書揚雄傳云司馬相如作賦甚弘麗溫雅興喻以

盡意。周禮太師注與見今之美嫌今賦頌之徒。苟爲饒辯屈蹇之辭。饒疑饒之譌淮南子齊俗訓云饒愚也淮南子

以爲慧爭爲僞。辯久稽而不諫競陳誣罔無然之事。以索見怪於世。愚夫慧士。說文云慧愚也淮南子

誘注意亦愚無知之貌也。意與慧通。從而奇之。此悖孩童之思。說文云詩亂也或从心作悖孟子云孩提之童而長不誠之言者

也。韓非子難二云言語辨聽之說不度於義者必不誠之言也史記高祖紀云人乃以嫗爲不誠盡孝悌於父母。正操行於閭門。盡舊作內摠治要改鹽鐵

論孝養篇云閨門之內盡孝焉閨門之外盡悌焉

所以爲列士也

舊脫爲字列作烈据治要補改

今多務交游以結黨助偷世

竊名

世治要作勢按管子牧民篇云偷取一世韓非子說以儉儉世者數御世字似不誤

以取濟渡

濟渡以涉水爲喻詩魏有苦葉毛傳舟子舟人主濟渡

夸

末之徒從而向之此逼貞士之節

漢書匈奴傳贊云城郭之固無以異於貞士之約王先生云逼疑違

而眩世俗之心

者也敗舊作街据治要改淮南

養生順志所以爲孝也

禮記內則會子曰孝子之養老也樂其心不違其志樂其耳目安其寢處以其飲食

忠養之孟子云會子餐會哲必有酒肉將微必

請所與問有餘必曰有若會子則可謂養志也

不可與終沒之後乃崇飭喪紀以言孝

禮記月令云飭喪紀文王世子鄭注紀猶事也盛饗賓旅以求名晉語

賓旅章昭

往旅客也詠善之徒從而稱之此亂孝悌之真行而誤後生之痛者也

鹽鐵論散不足篇云

古者事生盡愛送死盡哀故聖人爲制節非虛加之今生不能致其愛敬死以奢侈相高雖無哀戚之心而厚葬

重幣者則稱以爲孝顯名立於世光榮著於俗故黎民相慕效至於發屋賣業羣書治要載崔實政論云送終之

家亦無法度至用櫨梓黃腸多藏寶貨烹牛作倡高墳大寢是可忍也孰不可忍而俗人多之咸曰健子天下跋

扞恥不相逮念親將終無以奉遺乃約其供養豫修亡殯之備老親之飢寒以事姪佚之華稱竭家盡業甘心而

不恨後漢書趙咨傳云廢事生而榮終亡替所

養而爲厚葬豈云聖人制禮之意乎意與此同忠正以事君信法以理下所以居官也

魯語仲曰居官者

當事不避難今多姦諛以取媚

昭七年左傳云從政有所反之以取媚也撓法以便佞漢書酷吏竇成傳云所愛者撓法活之所憎者曲法滅之

論語云友便佞治

要作玩法以便己苟得之徒

舊脫徒字淮南子人閭訓云忠臣事君也計功而受賞不

減貞良之行

史記秦始皇紀琅邪臺刻石

而奮

有振

與震

賢才之虛譽

管子明法解云羣臣以虛譽進其黨

內有傷道德之至實

凡此八者當衰世

之務而閭君之所固也

荀子王霸篇云閭君必將急逐樂而緩治國孔安國論語注固蔽也

雖未卽於篡弒然亦亂道

之漸來也夫本末消息之爭

易豐彖曰與時消息等

皆在於君非下民之所能移也夫

民固隨君之好。

管子法法篇云凡民從上也

從利以生者也。

商子君臣篇云臣聞道民之門在上所先故民可令農戰可令

辯宜可令學問在上所與上以功勞與則民戰上以詩書與則民學問民之於利也若水於下也四旁無擇也民從可以得利而為之者此下舊有故君子曰一段凡二百卅七字今考定入遏利篇

是故務

本則雖虛偽之人皆歸本居末則雖篤敬之人

論語云行篤敬

皆就末且凍餒之所

在民不得不去也溫飽之所在民不得不居也

論語云富與貴是人之所欲也不以其道得之不處也貧與賤是人之所惡也不以其

不以其道得之不去也鹽鐵論褒賢篇論衡問孔篇刺孟篇高誘注呂氏春秋有度篇後漢書陳蕃傳處並作居

故衰闇之世本末之人未必賢不肖也禍福之所

下有脫字

勢不得無然爾故明

君莅國

晏子春秋諫下云莅國子民

必崇本抑末

鹽鐵論本議篇云王者崇本退末

以遏亂危之萌此誠治之危

漸當作治亂之漸危亂字形相近又誤倒之字於上也

不可不察也

遏利第三

世人之論也靡不貴廉讓而賤財利焉及其行也多釋廉甘利之於人

文有脫誤

王先生云疑是多釋廉而甘利釋金通之於字衍人字屬下句

徒知彼之可以利我也而不知我之得彼亦將為利

人也利人疑倒宣十四年左傳晏桓子曰貪必謀人謀人人亦謀己

知脂蠟之可明鑑也

說文云鑑鏡也徐鉉曰鏡中置燭故謂之鑑鏡燈正俗字

而不知

其甚多則冥之知利之可娛己也不知其稱而必有也

晏子曰利過則為敗昭十年傳晏子謂桓子曰趙利生孽皆此意也

前人以病後人以競傳七年左傳云諺有之曰心則不競何憚於病此用其文楚辭離騷云衆皆競進而貪婪

庶民之愚而衰闇之至也

春秋繁露云民之皆趨利而不趨義也固其所聞也

予故嘆曰何不察也願鑒於

道勿鑒於水

吳語申胥云王其盍亦鑒於人無鑒於水

象以齒焚身蜂以珠剖體

襄廿四年左傳云象有齒以焚其身脂也淮南子說林訓云號

象之病人之寶也高誘注蟻大蟻中有珠象牙還以自疾故

人得以爲寶本經訓云螭螭疊高注螭猶開也開以求珠也

匹夫無辜懷璧其罪

桓十年左傳

呼問哉

問疑

無德而富貴者固可豫弔也

貴者二字舊空掘程本補漢書景十

且夫利

物莫不天之財也

莫不猶言莫非周語芮良夫曰夫利百物之所生也天地之所載也

天之制此財也猶國君之有府

庫也賦賞奪與各有衆寡民豈得強取多哉故人有無德而富貴是凶民

之竊官位盜府庫者也終必覺覺必誅矣盜人必誅况乃盜天平得無受

禍焉

漢書朱博傳云得無不宜顏師古注得無猶言無乃也

鄧通死無簪

見史記

勝跪伐其身

史記梁孝王世家王先生

疑哉

是故天子不能違天富無功諸侯不能違帝厚私勸

王先生云私勸疑是私歡

非違帝

也非違天也帝以天爲制天以民爲心民之所欲天必從之

襄卅一年左傳太誓云民之所欲天必從

之是故無功庸於民而求盈者未嘗不力顛也

周禮司勳國功曰功民功曰庸晉語穆子

作立周語高位實疾顛疾顛即立顛也繼培按力蓋危字之壞管子宙合篇云高爲其居危顛莫之救淮南子入

閒訓云天下有二危少德而多寵一危也才而位高二危也身無大功而受厚祿三危也呂氏春秋務大篇云

嘗試觀於上志三王之佐其名無不榮者其實無不安者功大故也俗主之

佐其欲名實也與三王之佐同其名無不辱者其實無不危者無功故也

有勳德於民而謙損者

未嘗不光榮也

韓詩外傳八孔子曰天道虧盈而益謙地道變盈而流謙鬼神害盈而福謙人道惡盈

而好謙謙者抑事而損者也持盈之道抑而損之又云德行寬容而守之以恭者榮

自古於今上以天子下至庶人

至舊作止掘程本改禮記大

蔑有好利而不亡者好

義而不彰者也

荀子榮辱篇云先義而後利者榮先利而後義者辱

昔周厲王好專利

見周

芮良夫諫而不入

退賦桑柔之詩以諷

毛傳序云桑柔芮伯刺厲王也

言是大風也必將有隄

舊作隄按班役篇

是貪

民也必將敗其類王又不悟故遂流死於彘

周

虞公屢求以失其國

桓十年左傳

公叔戌崇賄以爲罪。

定十三年左傳

桓魋不節飲食以見弑。

哀十四年左傳云宋桓魋之害於公公使夫人腰請享焉而將討之弑

當爲討王先生云公羊昭廿五年傳昭公謂子家駒曰季氏爲無道僭於公室久矣吾欲弑之何如是上殺下亦可謂之弑也。

此皆以貨自亡用財自滅。

老子云多藏必

厚亡楚語云積貨滋多蓄怨滋厚不亡何待。

楚鬬子文三爲令尹而有飢色妻子凍餒朝不及夕。

子文舊

楚語云鬬子文三舍令尹無一日之積楚策莫敖子華曰令尹子文朝不謀夕。

季文子相四君馬不餽粟妾不衣帛。

成十六年左傳云季孫於魯相

二君矣妾不衣帛馬不食粟杜注二君宣成襄五年季孫行父卒傳云季文子之忠於公室也相三君矣而無私積疏云行父以文六年見經則爲卿久矣宣八年仲孫卒後始文子得政故至今爲相三君也此云四君蓋并文

公數之。

子罕歸玉。

襄十五年左傳

晏子歸宅。

昭三年左傳按宅與子帛顯

此皆能棄利約身。

傳云克身自約論語云克己復禮爲仁馬融注克己約身也皇侃疏云言能自約儉己身。

故無怨於人。

禮記中庸云正己而不求於人則無怨鄭注無怨人無怨之者也論語云放於利而行多怨

世厚天祿。

論語云天祿永終

令問不止。

止變

伯夷叔齊餓於首陽。

論語

白駒。

詩小雅

介推。

遜逃於山谷。顏原公析。

顏回原憲公析哀也史記游俠傳云季次原憲讀書懷獨行君子之德義不苟合當世終身空室蓬戶褐衣疏食不厭死而已季次哀字也

困。

饑於郊野。守志篤固。

爾雅釋詁云篤固也

秉節不虧。寵祿不能固。威勢不能移。

孟子云富貴不能淫貧賤不能移

不能移威武不能屈固疑回之誤回猶移也昭卅一年左傳云不爲利回逸周書官人解云傑尊以利而心不移或云固讀爲疊文夫人之疊惑也。

雖有南面之尊。

易說卦傳云聖人南面而

下。

公侯之位。德義有殆。禮義不班。

班與辨通孟子云其鍾則不辨禮義而受之

撓志如芷。負心若芬。

是黨易反九二厲熏心馬融注黨灼其心黨書路溫舒傳云虛美熏心按黨說文作𡗗變負字形相近。

固弗爲也。是故雖有四海之主弗能與

之方名。列國之君不能與之鈞重。

荀子儒效篇云彼大儒者雖隱於窮閭僻室無量鍾之地而王公不能與之爭名禮記投壺鄭注鈞猶等也守

志於口。

程本作一

廬之內。而義盜乎九州之外。信立乎千載之上。而名傳乎百世

之際。

孟子云奮乎百世之上百世之下聞者莫不興起也

故君子曰。

君字疑誤

財賄不多。衣食不贍。聲色不妙。威勢